



**SunRice Grup Tokaut Polisi  
(Tok Pisin: 31.05.2020)**

**Issue Date: November 2014**

**(Updated: December 2019)**



## 1 AS TINGTING

Ricegrowers Limited, wantaim ol narapela company bung wantaim; osem SunRice Grup, i sanap strong lo respectim na bihainim lo bilong koporeisen na ol stretpela wei long ronim kampani wantaim SunRice Grups, lukaut blong ol wokmanmeri blong ol, ol contractors, kastoma, saplaias, komuniti, ol narapela stakeholders na giraun weh SunRice Grup i wok stap lo em.

Lo sowim promis bilong mipela, dispela Tokaut Polisi i stap lo:

- Strongim bel bilong ol man meri, banisim na sapatim pasin bilong kotim korapsen na ol narapel nogut ilikel pasin.
- Strongim stretpela na kliapla wei lo tokaut na lukluk igo insait lo wei lo painimaut na tokaut lo ol hevi lo seifpela wei kwiktaim.
- Na banisim ol manmeri husait i tokaut lo korapsen na rong bilong narapela manmeri insait na autsait lo wokples bilong SunRice Grup.

## 2 MINING

Ol ki toktok insait lo dispela Polisi i stap insait lo skedul 1 (Schedule 1).

## 3 RIPOT

Dispela Polisi i stap lo kamapim rot na banis weh Grup i bai givim lo ol manmeri, na tu, aninit lo Lo igat ol proses istap long lukautim ol manmeri husait i mekim ripot.

Dispela Polisi i klarim wei blo ol manmeri lo mekim ol Tokaut Ripot. Ol iken mekim ripot weh istap insait lo Lo na arasait lo Lo, dispela polisi i banisim ol gut turu.

SunRice Grup igat wok ples lo planti ol narapela kantri na i save bihainim olgeta Lo bilong ol narapela kantri weh ol opis bilong ol istap. Sapos Lo bilong kantri i winim Lo bilong dispela Polisi, tete bai SunRice Grup behainim Lo blo kantri.

Dispela Polisi em bilong kamapani Anti-Briberi na Korapsen Polisi Lo, dispela Polisi yu mas lukim wantaim tupela antap Polisi na wantaim Kode of Kondak.

### 3.1 Husait iken putim ripot

Olgeta manmeri iken puttim na mekim ripot annanit lo dispela polisi. Ol iken ibin pinis wok wantaim SunRice Grup o ol i stap yet nau osem wok mameri bilong SunRice Grup, na sapos ol i opisa na direkta bilong memba bilong SunRice Grup, wantaim ol narapela manmeri husait igat sampela kain koneksen lo SunRice Grup osem ol saplaia blo guds na sevis insait lo wanpal kamapni blo SunRice Grup, wantaim ol kontrakta, ol man i save givim sevis na ol bisnis patna. Ol famili bilong ol manmeri yumi listim antap, iken puttim ripot tu (insait lo dispela polisi bai ol puttim osem **“you”**).

### 3.2 Mi ken ripotim wanem samting stret annanit lo dispela Polisi?

Sapos yu wanpela manmeri husait i kam annanit lo list antap, yu stap lo lukaut osem wanpla wasmanmeri annanit lo dispela polisi, na dispela polisi wantaim Lo bilong gavman i bai karamapim yu.

Yu ken ripotim any memba bilong SunRice Grup sapos yu i lukim, o yu igat strongpela tingting osem ol i mekim wanpela rong o korapsen lo ai bilong Lo.

Sapos ol manmeri igo lo baksait blo yu na tokaut lo narapela manmeri lo samting weh yu ibin tok lo ol tasol. Yu ken ripotim ol lo dispela annanit lo dispela polisi na annanit lo Lo proteksen ol i putim annanit (lukim lo seksen 6).

Lukim mining i stap insait lo skedul 1 (Schedule 1) lo givim yu sampela moa tok piksa lo wanem kain ol pasin yu ken ripotim.

### **3.3 Igat ol saming weh mi i nonap lo ripotim annanit lo dispela polisi or nogat?**

Annanit lo dispela polisi, yu inonap lo putim ripot lo ol hevi blo yu yet lo peles bilong wok. Sampela tokpiksa i olsem, sapos yu yet igat belhevi wantaim narapela wok manmeri lo yutupela save wok wantaim, ol promosen bilong ol wanwok bilong yu, taim boss bilong yu i laik disiplinim yu, saspand or pinism yu lo wok. Dispela kain ol hevi bai igo lo Pipol na Kalsa husait bai lukluk lo dispela ol hevi annanit lo Grievance Polisi bilong yumi.

Tasol, sapos integriti opisa i skelim olsem hevi bilong yu yet insait lo wokples i bikpela na i olsem ol narapela hevi, em bai ol i ripotim annanit lo dispela polisi.

Sapos yu i laikim sampela moa infomasen o kilia toktok o yu ilaik askim moa yet lo wanem kain hevi yu i wok long bungim weh yu iken ripotim annanit lo dispela polisi. Yu iken askim steret Integriti Opisa (lukim skedul 2 lo kisim kontak bilong em).

### **3.4 Mi ken mekim Bikpela Toktok Ripot wantaim husait?**

Sapos yu i laik mekim Tokaut Ripot, yu mas oltaim igo lo lukim na toktok lo Integriti Opisa. Dispela Polisi i karamapim Tokaut Ripot yu i laik mekim lo dispela ol lain:

- Wok manmeri husait igat posisen insait lo koporet management tim (CMT)
- Wok manmeri husait igat posisen olsem direkta o opisa insait long SunRice Grup, na
- (sapos yu i SunRice Grup wokmanmeri husait i wok lo narapela kantri), Yu bai ripot igo lo ABC Manmeri husait igo pas na lo Genel Manager blo yu.

SunRice Grup i laikim olsem yu imas kwik taim mekim Tokaut Ripot igo lo Integriti Opisa taim yu lukim o kisim stronpela tingting olsem ol narapela wokmanmeri i mekim rong o korapsen pasin. Kain olsem bai SunRice Grup tu iken wok kwik taim lo steretim displa ol ripot.

Sapos yu ino wanbel lo go steret lo Integriti Opisa lo go putim ripot wantaim em, yu ken igo lo narapela rot lo putim ripot, yu ken mekim lo (Tokaut Hotlain). Em bai yu ino nid lo putim ripot steret lo Integriti Opisa, yu ken ringim em tasol na putim ripot.

Kontekt bilong Integriti Opisa na Tokaut Hotlain istap long skedul 2 insait lo dispela polisi. Na kontekt bilong ABC Anbassador na General Manager lo SunRice Grup wokpeles lo narapela kantri i bai stap lo wokpeles bilong yu.

Any wokmanmeri yu putim ripot wantaim, ol i bai oltaim kisim go steret lo Integriti Opisa so ol iken lukluk lo ripot blong yu insait lo banis bilong dispela polisi.

Long taim yu mekim Tokaut Ripot lo ol lain o long Tokaut Hotlain, Long dispela taim yu i givim tok orait lo ol kisim infomeisen bilong yu (tasol sapos yu laik haitim yu yet na nem bilong yu, em i orait tu) na bai givim lo Integriti Opisa husait bai lukluk lo ripot yu putim annanit lo dispela Polisi.

### **3.5 Mi ken tokaut lo ripot blo mi lo narapela manmeri o nogat?**

Yu sharim ripot bilong yu wantaim ol sampla regulata na ol Loya. Yu ken sharim ripot blo yu wantaim ol journalists na wantaim ol memba blo parliament tu sapos ripot bilong yu istap long pablik intrest or em i emergensi.

Sapos yu mekim displa kain na sharim ripot bilong yu wantaim displa ol lain antap, bai ol lukluk lo ripot blo yu annanit lo dispela Polisi. Na bai yu stil kisim banis bilong Lo lo tokaut lo rong na korapsen weh yu i lukim o suspectim. Igat strictpela wei lo mekim dispela kain ol ripot. Yu mas go lo Integriti Opisa o lukluk lo toktok lo Loya bipo lo mekim dispela kain ol ripot.

### **3.6 Mi nid lo tok wanem insait lo Tokaut Ripot blo me?**

Yu ken mekim Tokaut Ripot lo toktok steret lo maus o yu can raitim na givim.

Ripot blo yu imas sowim gut as tinging blo wai yu puttim ripot, na yu mas tokaut olgeta samting lo sapotim wai yu putim ripot wantaim ol sapoting pepa na evidens.

Taim yu putim ripot, yu mas puttim nem blo yu, nem blo wokples blo yu na kontekt blo yu olsem (telepon, mobail, email na address) (em sapos yu redi lo mekim). Yu mas puttim tu wai yu mekim ripot yah (na putim nem blo ol lain husait i mekim rong na yu laik ripotim ol insait long ripot yu laik mekim na givim). Na olgeta samting weh yu tingim lo em lo mekim ripot long em.

Na sapos yu les lo putim nem blo yu, yu nid lo tokaut olsem yu laik haitim nem blo yu so ol bai inonap putim insait lo ripot sapos yu les lo ol narapela manmeri painaut olsem yu putim dispela ripot.

Ripot ol i kisim lo yu bai ol i lukautim gut so ol narapela manmeri bai i nonap lukim na readim o harim. Ol lain blo lukautim na wok lo ripot tasol bai lukim.

Tasol, sapos igat nid, em bai SunRice Grup nid lo sowim ripot blo yu lo ol atoriti olsem ol ASIC, APRA na Ostrelia Federol Polis o ol narapel gavman opis. SunRice Grup tu iken sowim ripot blo yu igo lo ol manmeri wok lo Lo, lo kisim halvim lo helpim yu moa yet.

### **3.7 Na sapos ripot blo mi involvim MD/CEO, na Integriti Opisa, o Investigeisen Opisa?**

Sapos yu i laik mekim Tokaut Ripot lo ol samting ol General Manager/CEO blo wanpla SunRice Grup kampani i mekim, yu mas kontektim Integriti Opisa or ringim Tokaut Hotlain. Na sapos ripot blo yu involvim Integriti Opisa o Investigeisen Opisa, tete yu mas ringim Tokaut Hotlain na ol i bai givim ripot lo Siamanmeri blo SunRice Painens na Risk na Odit Komiti.

### **3.8 Hau bai ol lukautim ripot bilong mi?**

Olgeta Tokaut Ripot i bikpela samting na bai ol i was gut lo em.

Ol integriti Opisa bai skelim ol Tokaut Ripot lo kamapim rot bilong steretim. Ol i bai skelim sapos ripot i nidim investigeisen. Na sapo em i nidim investigeisen bai ol givim lo Investigeisen Opisa husait em General Manger, Pipol na Kalsa. Sampela taim bai ol i givim ripot lo ol investigeita husait i stap arasait lo kampani.

### **3.9 Me ken mekim ripot weh ol lain bai i nonap save olsem mi mekim tu?**

Yu can haitim nem blo yu na mekim Tokaut Ripot sapos yu laik olsem ol narapel manmeri bai inonap save olsem yu mekim dispela ripot, long taim blo mekim investigeisen na taim ol i pinisim investigeisen. Na tu, yu igat rait lo les lo givim ansa sapos ol i askim yu samting weh iken sowim yu na nem blo yu.

Yu bai stil kisim lukaut na banis annanit lo polisi na Lo sapos yu i les lo sowim yu yet na nem blo yu.

SunRice Grup bai respectim rait blo yu sapos yu i les lo sowim yu yet o nem blo yu. Tasol sapos yu ino givim yu na nem blo yu, em bai mekim investigeisen na wok i hat moa sapos yu ino stap lo bung wantaim na toktok moa. Lo mekim dispela isi, yu mas oltaim sekim ol na toktok lo ol, lo halvim wantaim ol kwesten na givim moa informeisen.

## **4 INVESTIGATING RIPOT**

### **4.1 Hau bai ol investigatim ripot bilong mi?**

Integriti Opisa bai mekim festpla skelim lo ripot na bai kamapim has tingting sapos ripot i kam gut o nogat wantaim dispela polisi, na sapos igat nid blo investigatim dispela ripot o nogat. Tasol, ino olgeta taim bai ol ripot go lo investigeisen, bai ol i lukim o harim na skelim gut pastaim na mekim stretpela disisen lo sapos ol bai go lo investigeisen o nogat.

Hau ol i bai mekim investigeisen i stap lo informeisen insait lo ripot blo yu na hamas infomeisen yu givim. Integriti Opisa bai toksave lo yu sapos ol i bai mekim investigeisen. Na sapos ol i nogat wei lo toksave lo yu em nau bai yu nonap save bikos yu yet ilaik haitim yu yet na nem bilong yu.

Planti taim ol investigeisen i bai stap lo han blo Investigeisen Opisa o ol wanwan memba blo Pipol na Kalsa tim, husait Investigeisen Opisa i bai putim ol lo was. Tasol wanwan taim bai ol kisim lain lo arasait lo investigeitim.

Olgeta investigeisen i bai kamap lo gutpela na stretpela wei.

Long taim bilong investigeisen, ol Investigeisen Opisa bai givim o askim lo yu mekim ripot anatap lo investigeisen ol i mekim. Na oltaim bai ol i lukaut lo husiat iken lukim dispela ripot lo lukautim yu (Na sanap strong lo banisim yu annanit lo dispela Polisi).

#### **4.2 Hau bai ol i givim toksave lo mi lo taim bilong investigeisen na taim em i pinis?**

Taim ol iken toksave, bai ol i toksave lo wanem samting ikamap lo investigeisen lo wanwan samting weh ol iken tokaut annanit lo Lo. Bai ol i toksave tu, lo taim investigeisen i pinis tasol sampela taim annanit lo Lo bai ol inonap lo tokaut lo sampela infomeisen.

#### **4.3 Mi bai gat banis na lukaut sapos mi mekim Tokaut Ripot lo ol ino mekim gut lo mi o nogat?**

SunRice Grup i save olsem ino isipla rot lo kamapim nid blo putim wanpela ripot na i andastendim wari blo yu. Olsem na olgeta story na infomeisen yu putim insait ripot mas trutru na stret. SunRice Grup i bai was gut lo yu na meki save olsem ol narapela lain bai inonap bagarpim yu. Na bai ol mekim save tu long kisim igo long han bilong Lo sapos igat nid.

Nogat pasin lo yu i karamapim ol samting olsem, ol i dismissim yu lo wok, sapos bagarap i panim yu lo wokpeles, sapos wan wok bilong yu i mekim nogut pasin lo yu na poretim yu, sapos bos bilong yu i mekim nogut lo yu o i wansaid lo ol narapela wokmanmeri o sapos wanpela ino mekim gut lo yu lo taim bilong putim Tokaut Ripot annanit lo dispela Polisi. Tasol yu bai inonap toktok lo taim edministreisen i wokim stretpela edministreisen wok lo movim ol wokmanmeri husait yu putim insait lo ripot bilong yu igo long narapela hap. O taim ol i mekim disisen lo taim yu ino wok hat lo ai bilong SunRice Grup pefomens management framework.

Sapos yu pilim olsem ol lain i mekim nogut pasin lo yu long taim bilong yu putim ripot o i stap insait lo investigeisen, yu mas toktok kwiktaim lo Integriti Opisa (o long Tokaut Hotlain). Husait ol i bai toktok na sapotim yu kwiktaim tu wantaim eksen. Ol ekstra risponsibiliti i olsem, Integriti Opisa bai kisim ol Tokaut Ripot ananit lo dispela Polisi, na ol i bai kamap wasmanmeri blo yu na bai lukautim yu taim yu i putim ripot lo narapela lain husait ilaik bagarapim yu. Ol narapela wei SunRice Grup i bai lukautim yu long dispela kain taim em olsem:

- Halvim yu lo kamapim wei lo lukautim yu so yu bai nonap tingting planti na wari tumas.
- Larem yu lo wok yet lo narapela hap o halvim yu lo mekim wok bilong yu long narapela wei.
- Sekim ol narapela wei lo lukautim yu lo lain husait i laik mekim nogut pasin lo yu na yu laik ripotim ol.

Sapos ol manmeri i mekim nogut lo narapela lain lo ol i putim Tokaut Ripot, o tok ol i bai mekim wanpela Tokaut Ripot, tete bai ol i burukim Lo bilong dispela Polisi na bai sanap lo kot wantaim Grup. Dispela em i bikpela samting lo kamapim ol manmeri (o SunRice Grup) husait i mekim rong na korapsen pasin.

#### **4.4 Igat narapela sapot stap lo halvim mi lo taim mi mekim Tokaut Ripot o nogat?**

Igat ol narapela sapot sistem istap lo halvim yu taim yu i laik mekim Tokaut Ripot. Em i bai dipen lo wanem has blo dispela ripot yu mekim na wanem tru samting yu laik lo ripotim. I bai gat ol sampla halvim olsem SunRice Grup Employi Asistens Program na sapot blo Pipol na Kalsa Tim, na i bai gat rot lo kisim leave of absense, ol narapla rot lo wokples na niupela training na opotuniti lo developim ol narapela disisen blo wok laip blo yu.

Sapos yu gat sampela moa askim lo wanem halvim i stap, yu ken go stret lo Integriti Opisa.

#### **4.5 Hau bai SunRice Grup lukautim mi sapos ol lain i puttim mi lo Tokaut Ripot bilong ol?**

SunRice Grup i stap strong lo sapotim gutpela pasin long manmeri weh nem bilong ol i kamap insait lo Tokaut Ripot annanit lo dispela Polisi:

- Lo toksave lo ol olsem ol i kamap insait lo ripot (samting weh ol iken tokim ol, ino olgeta samting) na bai givim ol sans lo givim stori bilong ol tu.
- Sanap strong long lukautim nem bilong ol long ol narapel manmeri noken find out wantaim dispela policy.
- Providim rot igo lo SunRice Grup Employi Asistens Program na sapot bilong Pipol na Kalsa.

### **5. HAIT LUKAUT BILONG YU NA NEM BILONG YU / CONFIDENTIALITY**

#### **5.1 Bai ol i sowim mi na nem blo mi na ol infomeisen mi givim tu o nogat?**

SunRice Grup i sanap strong lo was olsem Tokaut Ripot bilong yu i go stret lo han blong ol rait manmeri na i bihain olgeta stretpela proses na Lo na i lukautim yu na nem bilong yu. Annanit lo ol sampla narapela Lo, SunRice Grup iken:

- Haitim yu na nem bilong yu annanit lo Lo na dispela Polisi
- Mekim save olsem informeisen insait long Tokaut Ripot i go lo ai bilong ol manmeri husait wok bilong ol i long investigeit annanit lo dispela Polisi na putim was.
- Mekim wok lo lukautim yu na nem blo yu oltaim sapos yu i tok lo rausim na noken putim insait lo ripot yu mekim.

Sapos yu laik putim nem bilong yu insait long Ripot lo taksave olsem yu i mekim ripot, ol lain weh ol tasol bai save em Integriti Opisa, Investigeisen Opisa, na liklik namba manmeri husait igat rait long lukim olsem CEO.

Olgeta infomeisen SunRice Grup i kisim lo yu na rekod blo yu lo putim ripot ol lain lo antap toktok bai i lukim. Tasol sapos yu les long ol save olsem em yu na nem blo, em bai ol inonap save olsem yu. Ol bai lukatim na lokim ripot blo yu.

Sapos you mekim Tokaut Ripot annanit lo dispela Polisi, em yu givim tok orait lo ol rekodim infomeisen blo yu weh bai ol lain lo antap toktok i bai iken lukim. Tasol sapos yu les lo yu na nem blo yu i stap peles kilia, em bai ol i nonap lukim.

#### **5.2 Wanem samting bai kamap sapos ol i autim sampla infomeisen mi ibin givim?**

Long narapel taim, taim ol i nid lo yusim Gavman Lo na ol i givim infomeisen involvim yu na nem bilong yu taim yu ino tok orait long ol lo putim yu na nem bilong yu lo

peles kilia, em nau dispela pasin em i burukim Lo bilong dispela Polisi na SunRice Grup bai yusim disiplineri eksen long dispela manmeri husait i mekim olsem.

Sapos yu pilim olsem ol i burukim dispela promis na sowim yu na nem bilong yu annanit lo dispela Polisi weh em i involvim yu. Yu ken mekim komplein lo annanit lo wankain proses ol i sowim antap long seksen 3. Na tu, yu igat rait lo mekim komplein wantaim reguleita blo investigeisen bung wantaim ASIC or APRA.

## **6 PROTEKSEN, LUKAUT NA BANIS BILONG LO BLO GAVMAN**

### **6.1 Husait igat lukaut na banis?**

Gavman Lo bilong Papua Niu Gini (Toktok bilong Koporeisen Act na Takis Act), i providim proteksen na banis long taim yu i laik mekim dispela kain ripot lo Koporeisen na Takis. Long kisim dispela banis lo dispela kain ripot, ripot bilong yu imas mitim ol nid na infomeisen bilong ol Lo weh em i nidim blong Koporeisen na Takis.

### **6.2 Ol wanempla ripot igat lukaut na banis?**

Annanit lo Koporeisen Act, yu bai gat rait lo banis sapos yu reportim wanpla bikpela korapsen:

(a) Yu gat strongpela tingting na evidens lo saspectim olsem informeisen yu givim em:

- Showim misconduct na ilikel korapsen insait lo wanpela koporeisen bilong SunRice Grup
- I burukim Lo bilong gavman
- I givim birua lo publik na finansol sistem

Koporeisen Act i bai nonap karamapim yu sapos ripot bilong yu inogat koneksen lo Gavman Lo

(b) na mekim ripot igo long:

- ASIC;
- APRA;
- Wanpela Audita bilong ol koporeisen blong SunRice Grup;
- Wanpela blong ol lain ol i sowm insait long seksen 3.4 wantaim Integriti Opisa o Tokaut Hotlain;
- Wokmanmeri bilong Gavman Lo;
- Ol Journalist na memba bilong parliament weh ripot igat konsen bilong publik na taim nogut.

### **6.3 Wanem lukaut na banis i stap blo mi?**

Igat ol Gavman Lo istap lo banisim ol dispela:

- (1) Haitim na lukautim yu na nem bilong yu;
- (2) Banisim yu lo koporeisen na wokples lo bagarapim yu o ino mekim gut lo yu taim yu stap yet lo wok na mekin ripot lo ol;
- (3) Putim was olsem ol naraple wokmanmeri noken bagarapim yu;
- (4) Kompenseisen lo yu sapod hevi i painim yu lo wokples long taim ripot i kamap;
- (5) Noken tokaut lo yu na nem blo yu lo Kot Haus na lo ol Lo manmeri;

Dispela ol banis yumi toktok lo em antap, ibai karamapim yu long pestaim lo putim ripot lo husait isatp insait o ausait. Sapos yu igat sampla moa askim, yu mas toktok lo ol Integriti Opisa o ringim Tokaut Hotlain.

#### **6.4 Wanem banis na lukaut igat istap annanit lo Takis Administreisen Act?**

Takis Administreisen Act i providim proteksen taim yu i putim infomeisen we i sowim korapsen lo nesinel level, we i sowim wok insait long takis bilong koporeisen o wanpela kampani husait i wok bung wantaim koporeisen.

Bai ol i providim proteksen sapos yu sowim infomeisen igo long Komisina blo Takis o long lain ol i sowim lo 6.2 anatp na insait lo 6.3

### **7 IMPLIMENTEISEN NA AVEILABILITI**

Dispela Tokaut Polisi na kontek bilong Integriti Opisa na Tokaut Hotlain na ABC Ambassador i bai stap ples kilia na olgeta manmeri iken lukum lo olgeta koporeisen na ol kampani bilong SunRice Grup.

Olsem na dispela Tokaut Polisi bai sta peles kilia lo ai bilong olgeta wokmanmeri opisa na employi bilong SunRice Grup insait long intenol intranet paig na lo narapela SunRice Grup websaits.

### **8 HEVI BILONG GIAMAN RIPOT NA BURUKIM DISPELA POLISI**

Taim yu ino bihain dispela polisi, na yu save yet mekim Tokaut Ripot weh i giaman na nogat inap has tingting bilong em, ibai igat bikpela hevi tru lo dispela kain pasin na disiplinery eksen i bai i kamap lo yu.

Sapos ol lain poretim na mekim nogut lo manmeri weh i putim Tokaut Ripot (o long ol witnes, ol femili na wanwok) o ol i tokaut lo hait manmeri husait i putim ripot. Em bikpela hevi bai painim ol na bai iken pinis lo wok tu. Na tu, sapos ol kamapim manmeri na nem bilong ol husait i putim ripot, em nau ken bai bikpela hevi i bungim ol annanit lo Lo bilong Kampani.

Dispela kain ol pasin i ilikel na burukim Gavman Lo, na bai ol i kisim dispela ol lain go long Kot na kotim ol. Bai ol i ken kisim Sivil na Kriminel penolti we ol bai givim fain na kalabus taim. Lo steretim dispela, ol iken lukluk lo mekim kompenseisen long lain husiat i kisim hevi lo dispela ol pasin nogut.

### **9 LUKLUK NA WEI BILONG MEKIM RIPOTING OLSEM GRUP**

#### **9.1 Hau bai ol lukluk ol dispela polisi na ripotim dispela polisi?**

Olgeta siks (6) mun, Integriti Opisa wantaim Investigeisen Opisa bai ripotim olgeta ol niupla ripots weh ikam insait na bai ol seimtaim puttum niupela infomeisen lo ol ripot long Fainens, Risk na Audit komiti blo SunRice Grup Board.

Sapos igat investigeisen o igat ripot weh em i bikpela hevi tumas, ol Integriti Opisa bai skelim wanem ripot ken ol iken putim antap, husait ol bikpela bos olsem Sia manmeri blo Fainens o Risk na Odit Komiti, ol i bai toksave lo ol annanit lo dispela Polisi.

#### **9.2 Bai mi kisim training annanit lo dispela Polisi o nogat?**

Yes, em i training weh bai annanit lo Lo bilong kampani, olgeta wokmanmeri nid lo kisim na save.

#### **9.3 Husait i kiman lo lukautim na sekim dispela polisi?**

Dispela Polisi igat sekim deit clostu clostu lo sanap strong olsem em i gutpela tru lo halivim annanit lo kampani na Lo bilong Gavman.

**Papa bilong dispela Polisi em:** The SunRice Group General Counsel

**Givim tok orait long dispela Polisi em:** The SunRice Board



**SCHEDULE 1: MINING**

Ol wed na tems	Mining
<b>APRA</b>	Mining em Australia Prudential Regulation Authority
<b>ASIC</b>	Mining em Australian Securities an Investments Commission
<b>Koporeisen Act</b>	Mining em Koporeisen Act 2001 (Cth)
<b>Ripotabol Kondak</b>	<p>Sampela tokpiksa lo Ripotabol Kondak i karamapim olgeta manmeri insait lo SunRice Grup, o, ol wokmanmeri bilong ol opisa bilong SunRice Grup, we yu i ting na igat gutpela infomeisen lo saspecktim ol ol dispela kain samting:</p> <ul style="list-style-type: none"> <li>• Pasin giaman, ino lukautim manmeri o samting gut, o burukin tok promis ol i mekim lo SunRice Grup olsem:           <ul style="list-style-type: none"> <li>✓ Mekim narapela o senisim infomeisen insait lo akaunting, o ol narapela rekod, o ol narapela painensol samting we ino luk stret.</li> <li>✓ Paulim moni, o</li> <li>✓ Mekim nambaut lo hait infomeisen o yusim SunRice Grup risos lo stil na apim yu yet.</li> </ul> </li> <li>• Korapsen na giaman pasin, taim yu kisim o givim braib.</li> <li>• Nogut na ilikel pasin bilong:           <ul style="list-style-type: none"> <li>✓ Raskol pasin, salim o yusim drag, pasin bilong pait na poretim ol lain, o raskol pasin lo bagarapim ol propeti.</li> <li>✓ Opens annanit lo Komonwelt Lo we bai manmeri i bai kalabus lo 12pla mun o moa.</li> <li>✓ Sapos ol lain i burukim wanpal ol Komowelt Lo wantaim (nogat limiteisen), ol Lo bilong ASIC o APRA olsem Koporeisen Act na Taksi Administreisen Act.</li> </ul> </li> <li>• Nogutpla anseip pasin lo wokples we i ken mekim stronpla helt na seipti risk.</li> <li>• Birua lo publik o painensol sistem, o</li> <li>• Pasin we i bai mekim painensol o non-painensol loss igo lo ol koporeisen insait lo SunRice Grup o i birua lo ol intrest blo ol koporeisen na kampani insait lo SunRice Grup.</li> </ul>
<b>Takis Administreisen Act</b>	Mining em Takis Administreisen Act 1953 (Cth)

**SCHEDULE 2: Kontak Infomasen**

**1 Tokaut Hotlain**

Email	<a href="mailto:sunrice@whistleblowersecurity.com">sunrice@whistleblowersecurity.com</a>	Websaits	<a href="http://www.whistleblowersecurity.com">www.whistleblowersecurity.com</a>
Toll Free Telepon (Aus & NZ)	1800-263-215 (from Australia) +604-922-5953 (from New Zealand)	Toll Free Telepon (Global)	+1 866 921 6714

**2 Integriti Opisa**

Email	<a href="mailto:abcreporting@sunrice.com.au">abcreporting@sunrice.com.au</a>	Post Opis	<i>(Marked "Strictly Private and Confidential")</i> SunRice Integrity Officer, PO Box Q166, QVB Post Shop, NSW 1230
Telepon	+61 2 9268 2074		